



Republika e Kosovës
Republika Kosova - Republic of Kosovo

ZYRA E RREGULATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



RREGULLA PËR SKEMËN MBËSHTETËSE PËR GJENERATORËT E BRE-VE

(draft)

Janar 2017





PËRMBAJTJA

KREU I DISPOZITAT E PËRGJITHSHME	3
Neni 1 Qëllimi dhe fushëveprimi	3
Neni 2 Përkufizimet dhe Interpretimet	3
KREU II GJENERATORËT E BRE-ve TË PRANUAR NË SKEMËN MBËSHTETËSE	6
Neni 9 Tarifat Nxitëse për Skemën Mbështetëse	9
Neni 10 Përrjashtimi dhe tërheqja nga Skema Mbështetëse	9
Neni 11 Të drejtat dhe detyrimet e gjeneratorëve të BRE-ve të pranuar në Skemën Mbështetëse	10
Neni 12 Garancitë	11
Neni 13 Financimi i Skemës Mbështetëse të BRE-ve	11
KREU III GJENERATORËT E BRE-ve TË PAPRANUAR NË SKEMËN MBËSHTETËSE	13
Neni 14 Korniza e rregulluar	13
Neni 15 Të drejtat dhe detyrimet e gjeneratorëve të BRE sipas Kornizës së rregulluar	13
KREU IV INTEGRIMI I GJENERATORËVE TË BRE-ve	14
Neni 16 Integrimi i energjisë elektrike për të cilën është lëshuar Certifikata e Origjinës	14
Neni 17 Marrëveshjet për Blerjen e Energjisë	14
KREU V SKEMA MBËSHTETËSE PËR MIRKO-GJENERATORËT E BRE-ve	15
Neni 18 Parimet e vetë-konsumit të energjisë elektrike nga Burimet e Ripërtërishme të Energjisë	15
Neni 19 Metodologjia e Llogaritjes	16
Neni 20 Aplikimi për Vetë-konsum dhe procedura e kyçjes	16
KREU VI DISPOZITAT KALIMTARE DHE PËRFUNDIMTARE	17
Neni 21 Dispozitat kalimtare	17
Neni 22 Gjuha zyrtare	17
Neni 23 Ndryshimi	17
Neni 24 Interpretimi	18
Neni 25 Shfuqizimi	18
Neni 26 Hyrja në fuqi	18
SHTOJCA I - FORMULARI I APLIKIMIT PËR SKEMËN MBËSHTETËSE TË BRE-VE	19
SHTOJCA 2: FORMULARI I APLIKIMIT PËR KORNIZËN E RREGULLUAR TË BRE-VE	20
SHTOJCA 3: FORMULARI I APLIKIMIT PËR STATUS TË KONSUMATORIT PRODHUES	21



Bordi i Zyrës së Rregullatorit për Energji, sipas autoritetit të dhënë në përputhje me Nenin 9 paragrafi 1 nënparagrafi 1.7, Nenin 26 të Ligjit për Rregullatorin e Energjisë, Nr. 05/L-084, dhe në përputhje me nenin 15 të Ligjit për Energjinë Nr. 05/L-081, në seancën e mbajtur më [dita] [muaji] 2017 miratoi:

Rregullën për Skemën Mbështetëse për Gjeneratorët e BRE-ve (Rregulla për Skemën Mbështetëse)

KREU I

DISPOZITAT E PËRGJITHSHME

Neni 1

Qëllimi dhe fushëveprimi

1. Rregulla për Skemën Mbështetëse për gjeneratorët e BRE-ve përcakton mekanizmat e rregulluar për mbështetjen e energjisë elektrike nga BRE-të, për të cilat është lëshuar Certifikata e Origjinës.
1. Kjo Rregull përcakton:
 - 1.1 Parimet e mbështetjes së gjeneratorëve të BRE-ve të pranuar në Skemën Mbështetëse;
 - 1.2 Kriteret e pranueshmërisë për pranim në Skemën Mbështetëse të BRE-ve;
 - 1.3 Procedura e aplikimit për pranim në Skemën Mbështetëse të BRE-ve;
 - 1.4 Procedura për financimin e Skemës Mbështetëse të BRE-ve;
 - 1.5 Parimet e mbështetjes së gjeneratorëve të BRE-ve të papranuar në Skemën Mbështetëse
 - 1.6 Parimet e mbështetjes së mikro-gjeneratorëve të BRE-ve;

Neni 2

Përkufizimet dhe Interpretimet

1 Shprehjet e përdorura në këtë Rregull, kanë kuptimin si në vijim:

- 1.1 **“Periudha e faturimit”**- është periudha mujore ndërmjet dy leximeve të njehsorit në lokacionin e konsumatorit prodhues mbi bazën e të cilës fatura e asaj periudhe është nxjerr nga furnizuesi”
- 1.2. **“Direktiva 2009/28/KE”** - Direktiva 2009/28/KE e Parlamentit dhe Këshillit Evropian e datës 23 prill 2009 për promovimin e shfrytëzimit të energjisë elektrike nga burimet e ripërtëritshme dhe ndryshimin si dhe rrjedhimisht shfuqizimin e Direktivave 2001/77/KE dhe 2003/30/KE;



- 1.3 **“OSSH”**- është bartësi i licencës së Operatorit të Sistemit të Shpërndarjes
- 1.4 **“ZRRE”** - Zyra e Rregullatorit për Energji;
- 1.5 **“Garanci”** është garancia e pakusht financiare e paguar nga Gjeneratori i BRE-ve dhe e mbajtur nga Operatori i Tregut, në pajtueshmëri me dispozitat e Nenit 12 të kësaj Rregulle;
- 1.6 **“ Gjenerator i madh i BRE-ve”** nënkupton gjeneratorin e kyçur në rrjet, me kapacitet më të lartë se 100 kW (> 100 kW);
- 1.7 **“Gjenerator i vogël i BRE-ve”** nënkupton gjeneratorin e kyçur në rrjet me kapacitet deri në 23 kW;
- 1.8. **“OT”** – është bartësi i licencës së Operatorit të Tregut;
- 1.9 **“Konsumator prodhues”**- është konsumatori i energjisë elektrike që në të njëjtën kohë dhe në të njëjtin lokacion është pronar i mikro-gjeneratorit të BRE-ve, të kyçur në rrjet dhe me të drejtë të vetë-konsumit të energjisë elektrike të gjeneruar si dhe dërgimin e tepricës së energjisë elektrike të gjeneruar tek furnizuesi;
- 1.10 **“ Marrëveshje me konsumatorët prodhues”**- marrëveshje e zhvilluar dhe aprovuar nga ZRRE, që është nënshkruar nga një furnizues dhe konsumator prodhues dhe e cila, ndër të tjera, specifikon termet dhe kushtet e marrjes të energjisë elektrike nga furnizuesi dhe konsumin e energjisë elektrike nga konsumatori prodhues si dhe të drejtat dhe obligimet e tyre;
- 1.11 **“ Bilanci i konsumatorëve prodhues”**- është ndryshimi ndërmjet prodhimit dhe konsumit të energjisë elektrike, shprehur në kWh, brenda një periudhe të faturimit;
- 1.12 **“Çmimi referent”**- nënkupton, për çdo vit, çmimin që është ekuivalent me çmimin mesatar në treg, siç përcaktohet nga ZRRE në baza vjetore;
- 1.13 **“ Korniza e rregulluar”**- është korniza e rregulluar e aplikueshme për gjeneratorët e BRE-ve, të papranuar në Skemën Mbështetëse që nuk dëshirojnë të operojnë në treg të hapur;
- 1.14. **“Burimet e Ripërtërishme të Energjisë (BRE)”** – burimet e ripërtërishme jo-fosile të energjisë, sikurse: të erës, solare, gjeotermale, valëve, bio-energji, biomasa dhe biogazet;
- 1.15. **“Fondi për energjinë e ripërtërishme”**- është fondi siq është përcaktuar në Nenin 13 të kësaj Rregulle;
- 1.16. **“Gjeneratori i BRE-ve”**- është gjeneratori që prodhon energji nga burimet e ripërtërishme të energjisë për të cilin është lëshuar një Certifikatë e Origjinës”
- 1.17 **“Caqet e BRE-ve”**- Caqet për Burimet e Ripërtërishme të Energjisë, siç janë përcaktuar nga Ministria përgjegjëse për sektorin e energjisë përmes një akti nën-ligjor;



1.18 **“Vetë-konsum”**- është një Skemë Mbështetëse në kuadër të së cilës konsumatorët prodhues do të mund të ofrojnë energjinë e prodhuar në rrjetin e energjisë elektrike për konsum në të ardhmen ose t’i paguajnë furnizuesit energjinë e konsumuar në rast të bilancit negativ;

1.19 **“Gjenerator i vogël i BRE-ve”** do të thotë gjeneratori me kapaciteti mbi 23 kW deri në 100kW, të kyçur në rrjet;

1.20 **“OST”**- bartësi i licencës së Operatorit të Sistemit të Transmisionit.

2. Shprehjet tjera të përdorura në këtë Rregull do të kenë kuptimin e njëjtë sikurse në Ligjin për Rregullatorin e Energjisë, Ligjin për Energjinë Elektrike dhe Ligjin për Energjinë.



KREU II

GJENERATORËT E BRE-ve TË PRANUAR NË SKEMËN MBËSHTETËSE

Neni 3

Kriteret për pranim në Skemën Mbështetëse

2. Një gjenerator i BRE-ve është i kualifikueshëm për pranim në Skemën Mbështetëse nëse:
 - 2.1 Është gjenerator i vogël ose i madh i BRE-ve që prodhon energji nga një ose më shumë burime primare të energjisë së ripërtëritshme, të përcaktuara në Caqet e BRE-ve;
 - 2.2 Ndodhet në territorin e Republikës së Kosovës;
 - 2.3 Prodhon energji duke përdorur kapacitetet gjeneruese me pajisje të reja.

Neni 4

Kufizimi i kapacitetit për pranim në Skemën Mbështetëse

2. Vetëm aplikuesit që aplikojnë për marrjen nga ZRRE të autorizimit për ndërtim të kapaciteteve të reja gjeneruese për gjenerim të energjisë elektrike në përputhje me Rregullën për Procedurën e Autorizimit, do të pranohen në Skemën Mbështetëse.
3. Kapaciteti i planifikuar në MW i aplikacioneve që do të pranohen në Skemën Mbështetëse për gjenerim të energjisë nga energjia fotovoltaike duhet të jenë deri në, apo baraz me, 3 MW (≤ 3 MW).
4. Kapaciteti i planifikuar në MW i aplikacioneve për pranim në Skemën Mbështetëse për gjenerim të energjisë elektrike nga biomasa e ngurtë duhet të jetë deri në, apo baraz me 14 MW (≤ 14 MW).
5. Kapaciteti i planifikuar në MW i aplikacioneve për pranim në Skemën Mbështetëse për gjenerim të energjisë elektrike nga era duhet të jetë deri në, apo baraz me 35 MW (≤ 35 MW).
6. Kapaciteti i planifikuar në MW për hidrocentralet që do të pranohen në Skemën Mbështetëse për gjenerim të energjisë elektrike duhet të jetë deri në, apo baraz me 10 MW (≤ 10 MW).

Neni 5

Kërkesa për Pranim në Skemën Mbështetëse

1. Kërkesa me shkrim për pranim në Skemën Mbështetëse duhet të dorëzohet në ZRRE në pajtueshmëri me Shtojcën 1 të kësaj Rregulle.



2. Kërkesa për pranim në Skemën Mbështetëse duhet të plotësohet gjatë aplikimit për marrjen e Autorizimit, në përputhje me Rregullën për procedurën e autorizimit.
3. Të gjitha aplikacionet për marrjen e Autorizimit, të cilat nuk përmbajnë kërkesën për pranim në Skemën Mbështetëse, ose vazhdojnë të kërkojnë autorizimin për ndërtim, duke u tërhequr nga kërkesa për pranim në Skemën Mbështetëse, nuk do të pranohen në Skemën Mbështetëse në të ardhmen, në përputhje me këtë Rregull.

Neni 6

Pranimi në Skemën Mbështetëse

1. Me Njoftimin për Vendimin mbi Autorizimin Prelimiar, brenda vendimit përkatës, ZRRE duhet të përcaktoj nëse caqet janë të disponueshme që aplikanti të kualifikohet automatikisht për pranim në Skemën Mbështetëse.
2. Në rast se aplikuesi aplikon direkt për marrjen e Autorizimit Final dhe parashtron kërkesën për pranim në Skemën Mbështetëse, ZRRE brenda vendimit përkatës do të përcaktoj nëse caqet janë të disponueshme, dhe aplikuesi kualifikohet për tu pranuar në mënyrë automatike në Skemën Mbështetëse.
3. Njoftimi mbi Vendimin për Autorizim Preliminar apo Autorizimi Final i lëshuar nga ZRRE dhe që përcakton pranimin e aplikuesit në Skemën Mbështetëse, në mënyrë automatike garanton edhe Tarifën Nxitëse.
4. Kur ZRRE lëshon një Vendim për Autorizim Preliminar dhe Autorizimin Final, në përputhje me Rregullën për Procedurën e Autorizimit, me ç'rast janë përmbushur caqet e disponueshme, duhet të njoftoj të gjithë aplikuesit tjerë për përmbushjen e caqeve si dhe pamundësinë për të garantuar Tarifën Nxitëse sipas kësaj Rregulle.
5. ZRRE do t'i konsideroj caqet si të përmbushura, atëherë kur janë lëshuar Vendimet për Autorizime Preliminare dhe Finale për kapacitetin e instaluar sipas Udhëzimit Administrativ përkatës për caqet e BRE-ve, të lëshuar nga Ministria përgjegjëse për sektorin e energjisë.. Pavarësisht caqeve vjetore, të përcaktuara nga Ministria përgjegjëse për sektorin e energjisë, kapacitetet e reja mund të lëshohen në operim për të gjitha BRE-të deri në vitin 2020.
6. Në rastet kur aplikuesi vazhdon me procedurat për marrjen e Vendimit për Autorizim Preliminar dhe Autorizimit Final pa aplikuar për Skemën Mbështetëse, ZRRE në vendimin e tij duhet të specifikoj nëse aplikuesi nuk është më i kualifikueshëm për t'u përfshirë në Skemën Mbështetëse.
7. Nga momenti i plotësimit të caqeve të disponueshme, me rastin e lëshimit të Vendimeve për Autorizime Preliminare ose Finale, sipas kërkesave të gjeneratorëve të BRE-ve për hyrje në Skemën Mbështetëse, ZRRE do të specifikoj në vendimet përkatëse se procesi për pranim në Skemën Mbështetëse do të pezullohet derisa të lirohen caqet e disponueshme, në përputhje me



Udhëzimin Administrativ përkatës për përcaktimin e caqeve, të lëshuar nga Ministria përgjegjëse për sektorin e energjisë. ZRRE do t'i konsideroj këto aplikacione si aplikacione në "pritje", për pranim në Skemën Mbështetëse.

8. Aplikuesit të cilit i është lëshuar Vendimi për Autorizimin Preliminar apo Vendimi për Autorizimin Final me një shënim nga Rregullatori, sipas paragrafit 8 të Nenit 6 të kësaj Rregulle, afatet e përcaktuara me Rregullën për procedurën e autorizimit do të fillojnë të rrjedhin jo nga data e lëshimit të vendimit përkatës por nga data e njoftimit me shkrim nga ZRRE për përfshirje në Skemën Mbështetëse.
9. Nga momenti i lirimit të caqeve të disponueshme të BRE-ve, aplikuesi do të njoftohet me shkrim nga ZRRE. Në rast se aplikuesi ka Vendimin për Autorizimin Preliminar për kapacitet më të lartë se caqet e liruara, aplikuesi do të ketë të drejtë të kërkoj që Vendimi për Autorizimin Preliminar të ndahet/modifikohet në atë mënyrë që i garantohet e drejta për caqet e liruara, ndërsa kapaciteti i mbetur mund të vazhdon të jetë "në pritje", sipas kërkesës së aplikuesit.
10. Nga momenti i lirimit të caqeve të disponueshme, aplikuesi do të njoftohet me shkrim nga ZRRE. Në rast se aplikuesi ka Autorizim Final për kapacitet më të lartë se caqet e liruara, aplikuesi do të pres deri sa të lirohen caqet e disponueshme apo të kërkoj modifikimin e Autorizimit Final. Pjesa e mbetur e kapacitetit nuk do të vazhdon të jetë "në pritje" sikurse është përcaktuar në Vendimin për Autorizimin Preliminar, të përcaktuar në këtë Nen.

Neni 7

Shqyrtimi i aplikacioneve të Skemës Mbështetëse

1. ZRRE duhet të shqyrtoj përmbajtjen e Aplikacionit për pranim në Skemën Mbështetëse si dhe Aplikacionit për Autorizim.
2. Çdo ndryshim apo modifikim i kërkuar nga ZRRE për pranim në Skemën Mbështetëse duhet të kërkohet gjatë vlerësimit të Aplikacionit për Autorizim, në përputhje me Rregullën për Procedurën e Autorizimit.
3. ZRRE duhet të informoj aplikuesin lidhur me pranimin apo mospranimin në Skemën Mbështetëse, me Vendimin për Autorizim. Në rast se aplikacioni është refuzuar, ZRRE duhet të jap arsye që kanë rezultuar në një refuzim të tillë.

Neni 8

Regjistri i Skemës Mbështetëse

4. ZRRE duhet të krijoj dhe vazhdimisht të azhurnoj regjistrin e Skemës Mbështetëse për energjinë elektrike të gjeneruar nga Burimet e Ripërtëritshme të Energjisë.



5. ZRRE duhet të krijoj një regjistër i cili do të përmbaj aplikacionet e pranuar në Skemën Mbështetëse dhe gjeneratorët e BRE-ve që janë në pritje për pranim në Skemën Mbështetëse.
6. Aplikacionet që konsiderohen si “aplikacione në pritje” do të regjistrohen në listën e pritjes, sipas datës së lëshimit të Vendimit për Autorizim Preliminar apo Autorizimit Final.
7. Gjatë krijimit të regjistrit dhe zbatimit të procedurave të “aplikacioneve në pritje” për pranim në Skemën Mbështetëse, ZRRE duhet t’i trajtoj në mënyrë të barabartë poseduesit e Vendimeve për Autorizime Preliminare apo Autorizime Finale dhe duhet të veproj sipas renditjes kronologjike në regjistër.
8. Me rastin e lirit të çaveve të disponueshme, ZRRE do t’i njoftoj aplikuesit të cilët janë të regjistruar në listën e pritjes, sipas rendit të aplikacioneve të tyre.
9. Regjistri për Skemën Mbështetëse do të publikohet në faqen elektronike të ZRRE-së dhe do të azhurnohet në bazë të aplikacioneve të reja.

Neni 9

Tarifat Nxitëse për Skemën Mbështetëse

1. ZRRE duhet të përcaktoj tarifat nxitëse, që janë të aplikueshme vetëm për energjinë elektrike të prodhuar nga Gjeneratorët e BRE-ve të pranuar në Skemën Mbështetëse.
2. Me vendim përkatës, tarifat nxitëse të përmendura në paragrafin 1 të këtij Neni, duhet të përshtaten me inflacionin në baza vjetore, pas vitit të parë të operimit. Datat e sakta për mënyrën korrekte për aplikimin e inflacionit duhet të përcaktohen nga Marrëveshja për Blerjen e Energjisë (MBE). Norma e inflacionit do të përcaktohet nga norma e ndryshimit gjatë 12 muajve të fundit, në nivelin e “Çmimeve të produktit industrial të brendshëm – mallrave kapitale NACE Rev2”, indeksi për shtetet e Eurozonës, të publikuar nga Eurostat.

Neni 10

Përgjashtimi dhe tërheqja nga Skema Mbështetëse

1. Gjeneratorët e BRE-ve do të përjashtohen nga Skema Mbështetëse nëse:
 - 1.1 Gjeneratori i BRE-ve dështon në marrjen e Autorizimit Final për ndërtimit e stabilimentit, në përputhje me Rregullën për Procedurën e autorizimit;
 - 1.2 Gjeneratori i BRE-ve dështon të hyj në operim brenda gjatë muajsh nga ekzekutimi i Garancisë së referuar në Nenin 12.
2. Gjeneratori i BRE-ve, i pranuar në Skemën Mbështetëse mund të tërhiqet nga Skema Mbështetëse me anë të një kërkesë me shkrim dërguar ZRRE-së nga ky gjenerator.



3. ZRRE konfirmon tërheqjen e operatorëve gjenerues nga Skema Mbështetëse brenda tridhjetë (30) ditëve nga marrja e kërkesës dhe e fshin njësinë gjeneruese nga Regjistri i njësive të pranuar në Skemën Mbështetëse.
4. Operatori gjenerues i cili përjashtohet ose tërhiqet nga Skema Mbështetëse nuk është i kualifikueshëm të aplikoj për riparim në Skemë në ndonjë datë të mëvonshme.

Neni 11

Të drejtat dhe detyrimet e gjeneratorëve të BRE-ve të pranuar në Skemën Mbështetëse

1. Gjeneratorët e BRE-ve të pranuar në Skemën Mbështetëse duhet:
 - 1.1 Të kenë të drejtë të shesin prodhimin e tyre të energjisë elektrike tek Operatori i Tregut përmes një Marrëveshje për Blerjen e Energjisë për një periudhë 10 deri në 12 vjeçare, varësisht nga teknologjia dhe me çmim të Tarifës nxitëse;
 - 1.2 Të jenë përgjegjës për 25% të kostove totale të imbalancit;
 - 1.3 Të kenë prioritet në ekzaminimin e aplikacionit për kyçje në sistemin relevant;
 - 1.4 Të kenë të drejtën e prioritetit në dispeçim.
2. Shitja e energjisë elektrike tek OT duhet të mbulohet nga Marrëveshja për Blerjen e Energjisë, e cila lidhet ndërmjet gjeneratorit të BRE-ve dhe Operatorit të Tregut.
3. Marrëveshjet për Blerjen e Energjisë (hidroenergji dhe biomasa solide) do të kenë kohëzgjatje prej dhjetë (10) vitesh, ndërsa Marrëveshja për Blerjen e Energjisë (MBE) për energjinë elektrike të gjeneruar nga panelet fotovoltaike dhe gjeneratorët e erës do të ketë kohëzgjatjen 12 vjeçare, me çmime (tarifa nxitëse) përkatëse, të aplikueshme në Skemën Mbështetëse.
4. MBE u garantohet të gjitha njësive gjeneruese që janë pranuar në Skemën Mbështetëse, në përputhje me këtë rregull dhe duhet të lidhet së paku tridhjetë (30) ditë para datës së fillimit të operimit të njësive gjeneruese dhe para fillimit të testimit të lëshimit në operim.
5. Çmimi i tarifës nxitëse i gjeneratorit të BRE-ve duhet të jetë çmimi i aplikueshëm në kohën e pranimit në Skemën Mbështetëse. Çdo ndryshim i ardhshëm i Tarifës nxitëse nuk do të ndikoj gjeneratorët e BRE-ve tashmë të pranuar në Skemën Mbështetëse
6. Brenda tridhjetë (30) ditësh pune nga pranimi në Skemën Mbështetëse, Gjeneratori i BRE-ve duhet të paguaj garancinë, në përputhje me Nenin 12. Pranimi në Skemën Mbështetëse do të jetë efektiv nga data e pagesës së kësaj garancie.
7. Gjeneratori i BRE-ve duhet të hyj në operim brenda tridhjetë (30) muajve nga data e konfirmimit të referuar në Nenin 11, paragrafi 6. Afati për fillimin e operimit mund të zgjatet nga Bordi i ZRRE-së për një periudhë maksimale prej gjashtë (6) mujash nëse gjeneratori i BRE-ve mund t'ia dëshmoj ZRRE-së se shtyrja ka ndodhur për arsye jashte kontrollit të gjeneratorit të BRE-ve



Neni 12

Garancitë

1. Garancia, e referuar në Nenin 11, paragrafi 6, duhet të ketë një periudhë të vlefshmërisë prej katër (4) vitesh pas të cilave, nëse nuk zbatohet, lirohet dhe i kthehet gjeneratorit të BRE-ve.
2. Niveli i Garancisë duhet të llogaritet si qarkullim që gjeneratori i BRE-ve i pranuar në Skemën Mbështetëse do të pritej ta merrte për një periudhë tre mujore, duke marrë parasysh:
 - 2.1 Çmimet e njësive relevante ndaj burimit primar të energjisë të përdorur nga gjeneratori i BRE-ve i pranuar në Skemën Mbështetëse;
 - 2.2 Kapacitetin e instaluar të gjeneratorit të BRE-ve;
 - 2.3 Faktorin emesatar të kapacitetit të pritur të burimit primar të energjisë, siq është përcaktuar nga një institucion relevant në Kosovë,
2. Niveli i Garancisë duhet të konfirmohet nga ZRRE para dorëzimit.
3. Garancia e dorëzuar nga gjeneratori i BRE-ve i pranuar në Skemën Mbështetëse mbahet nga Operatori i Tregut.
4. Nëse gjeneratori i BRE-ve i pranuar në Skemën Mbështetëse dështon të hyj në operim deri në datën e caktuar nga ZRRE, në përputhje me Nenin 11, paragrafi 7 të kësaj Rregulle, atëherë duhet të zbatohet Garancia e referuar në Nenin 11 paragrafi 6.
5. Nëse gjeneratori i BRE-ve kërkon përjashtim nga Skema Mbështetëse e BRE-ve, në përputhje me Nenin 10, paragrafin 2 të kësaj Rregulle, Garancia e paguar nga Gjeneratorit i BRE-ve duhet të lirohet dhe t'i kthehet gjeneratorit të BRE-ve.

Neni 13

Financimi i Skemës Mbështetëse të BRE-ve

1. Kostot shtesë të shkaktuara nga furnizuesit për të mbështetur zhvillimin e projekteve nga BRE-të, të pranuar në Skemën Mbështetëse, kompensohen nëpërmjet Fondit për Energjinë e Ripërtërishme, i menaxhuar nga OT. OT i raporton ZRRE-së për operimin e Fondit për Energjinë e Ripërtërishme në baza tremujore.
2. Fondi për Energjinë e Ripërtërishme shfrytëzohet për të financuar kostot lidhur me:
 - 2.1 Dallimin ndërmjet çmimit referent dhe tarifës nxitëse;
 - 2.2 Kompensimin për kostot e imbalancit për të reflektuar dispozitat në Nenin 11, paragrafi 1.2 të kësaj Rregulle;



2.3 Kostot e shkaktuara nga OT për menaxhimin dhe operimin e fondit si dhe çdo kosto tjetër e nevojshme për implementimin e kësaj Rregulle, nëse ashtu vendoset nga Rregullatori.

3. Financimi i Fondit për Energjinë e Ripërtëritshme mundësohet përmes një Tarife për Energjinë e Ripërtëritshme, e aplikuar në nivel të transmetimit për të gjithë furnizuesit e energjisë elektrike në Kosovë, llogaritur sipas formulës në vijim:

$$REC_t = ((FIT_t - RP_t) \cdot Q_t + I_t + MO_t - G_{t-1} \pm \Delta CF_{t-1}) / NP_t$$

Ku:

RECT *Tarifa për Energjinë e Ripërtëritshme*

FIT_t *Tarifa Nxitëse e aplikuar për secilën teknologji relevante në vitin t*

RP_t *Çmimi referent për vitin t, ekuivalent me çmimin mesatar të tregut siç përcaktohet në baza vjetore nga ZRRE*

Q_t *Energjia elektrike e parashikuar, dorëzuar nga secila teknologji relevante në vitin t*

I_t *Kosto e parashikuar e imbalancit, e lejuar nga ZRRE në vitin t*

ΔCF_{t-1} *Faktori korrektues ndërmjet vlerave të lejuara dhe atyre ekzistuese në vitin t*

NP_t *Neto-konsumi i parashikuar i energjisë në vitin relevant t*

MO_t *Kostoja e parashikuar e shkaktuar nga OT për menaxhimin dhe operimin e Fondit në vitin t, duke përfshirë kostot e kapitalit punues dhe çdo kosto tjetër të veprimit të vendosur në mënyrë retroaktive.*

t *Viti relevant*

4. OT shpërndan gjithë prodhimin e BRE-ve tek furnizuesit, në proporcion me kërkesën e tyre individuale në konsumin e përgjithshëm të energjisë elektrike në Kosovë
5. Kostot bazë të energjisë elektrike nga BRE-të, të cilat nuk mbulohen përmes Tarifës për energjinë e ripërtëritshme, dhe të cilat janë ekuivalente me shumën e çmimit përkatës dhe kapacitetin e energjisë elektrike të shpërndarë tek secili furnizues, duhet të mbulohen nga fatura të veçanta të lëshuara nga OT tek secili furnizues, sipas kushteve të përcaktuara në Marrëveshjen për Blerje të Energjisë.



KREU III

GJENERATORËT E BRE-ve TË PAPRANUAR NË SKEMËN MBËSHTETËSE

Neni 14

Korniza e rregulluar

1. Gjeneratorët e vegjël dhe të mëdhenj të BRE-ve të papranuar në Skemën Mbështetëse mund të shesin prodhimin e tyre të energjisë elektrike sipas një Kornize të rregulluar ose sipas kushteve të parregulluara të bazuara në treg.
2. Gjeneratorët e BRE-ve që dëshirojnë të operojnë sipas Kornizës së rregulluar të ZRRE-së duhet të dorëzojnë një kërkesë me shkrim në ZRRE, në përputhje me Shtojcën 2 të kësaj Rregulle.
3. ZRRE duhet të informoj gjeneratorin e BRE-ve nëse kërkesa për pranim në Kornizën e rregulluar është aprovuar apo refuzuar. Në rast të refuzimit të Aplikacionit, ZRRE duhet të ofroj sqarime lidhur me arsyet që kanë rezultuar në një refuzim të tillë.
4. Një gjenerator i BRE-ve i pranuar në Kornizën e rregulluar mund të tërhiqet nga Korniza e rregulluar me një kërkesë me shkrim, drejtuar ZRRE-së.
5. Gjeneratorit i BRE-ve i cili është përjashtuar nga Korniza e rregulluar nuk lejohet të aplikoj për ripranim në Kornizën e rregulluar në ndonjë datë të mëvonshme.

Neni 15

Të drejtat dhe detyrimet e gjeneratorëve të BRE sipas Kornizës së rregulluar

1. Gjeneratorët e BRE-ve të papranuar në Skemën Mbështetëse që zgjedhin të shesin prodhimin e tyre të energjisë elektrike sipas Kornizës së rregulluar, duhet:
 - 1.1. Të kenë të drejtë të shesin prodhimin e tyre të energjisë elektrike tek Operatori i Tregut përmes një Marrëveshjeje për Blerje të Energjisë me çmim përkatës të përcaktuar nga ZRRE në baza vjetore;
 - 1.2. Të jenë përgjegjës për të gjitha kostot e tyre të imbalancit;
 - 1.3. Të kenë prioritet në vlerësimin e aplikacionit për kyçje në sistemin relevant;
 - 1.4. Të kenë prioritet në dispeçim.
2. Shitja e energjisë tek Operatori i Rrjetit duhet të mbulohet nga një Marrëveshje për Blerje të Energjisë, e cila duhet të lidhet ndërmjet gjeneratorit të BRE-ve të papranuar në Skemën Mbështetëse dhe Operatorit të Tregut.
3. Marrëveshjet për Blerje të Energjisë për gjeneratorët e BRE-ve të papranuar në Skemën Mbështetëse duhet të ketë një kohëzgjatje minimum prej një (1) viti dhe mund të zgjas për gjithë periudhën e vlefshmërisë së licencës së gjeneratorit të BRE-ve të lëshuar nga ZRRE. Nëse



operatorit të BRE-ve nuk i kërkohet të marr licencë për gjenerim, kohëzgjatja e Marrëveshjes për Blerje të Energjisë duhet të jetë e kufizuar në një maksimum prej pesëmbëdhjetë (15) viteve.

KREU IV

INTEGRIMI I GJENERATORËVE TË BRE-ve

Neni 16

Integrimi i energjisë elektrike për të cilën është lëshuar Certifikata e Origjinës

4. OST i jep përparësi dispeçimit të energjisë elektrike të prodhuar nga burimet e ripërtëritshme të energjisë, për të cilat janë lëshuar Certifikatat e Origjinës dhe rrjedhimisht energjisë elektrike të prodhuar nga njësitë gjeneruese të pranuar në Skemën Mbështetëse.
5. Njësitë gjeneruese të cilat prodhojnë energji elektrike për të cilat janë lëshuar Certifikatat e Origjinës, u nënshtrohen dispozitave të Kodit të Rrjetit, Kodit të Matjes, Kodit të Pajisjeve Elektrike, Kodit të Shpërndarjes, Rregullave të Tregut dhe çdo kodi ose rregulle tjetër të aplikueshme, përveç nëse në mënyrë të qartë deklarohet ndryshe në këtë Rregull.
6. OST dhe OSSH i japin prioritet vlerësimit të aplikacionit për kyçje të dorëzuar nga njësitë gjeneruese që prodhojnë energji elektrike për të cilat është lëshuar Certifikata e Origjinës, në mënyrë që të zvogëlohet sa më shumë që të jetë e mundur koha e nevojshme për arritjen e marrëveshjes së kyçjes dhe për kompletimin e kyçjes.

Neni 17

Marrëveshjet për Blerjen e Energjisë

1. OT harton Marrëveshjet për Blerje të Energjisë për blerjen e energjisë elektrike të prodhuar nga Burimet e Ripërtëritshme të Energjisë nga gjeneratorët e BRE-ve të pranuar në Skemën Mbështetëse ose sipas Kornizës së rregulluar.
2. OT harton Marrëveshjen për Blerje të Energjisë për shitjen e energjisë elektrike të prodhuar nga Burimet e Ripërtëritshme të Energjisë të pranuar në Skemën Mbështetëse ose në kuadër të Kornizës së rregulluar tek furnizuesit.
3. Marrëveshjet pvr Blerje të Energjisë duhet të përfshijnë dispozita në bazë të të cilave gjeneratori i BRE-ve i pranuar në Skemën Mbështetëse ose në kuadër të Kornizës së rregulluar zotohet se do të veprojnë në përputhje me obligimet e përcaktuara përgjatë tërë kohëzgjatjes së marrëveshjes.
4. Draft-MBE-të e përgatitura sipas paragrafëve 1 dhe 2 të këtij Neni duhet të miratohen nga ZRRE, pas një konsultimi me palët e treta. ZRRE mund të udhëzojë OT-në në çdo moment para nënshkrimit të Marrëveshjes për Blerje të Energjisë, në mënyrë që të bëjë ndryshimet në draft, varësisht si e sheh të nevojshme.



5. Operatori gjenerues duhet të nënshkruaj Marrëveshjen për Blerje të Energjisë brenda pesëmbëdhjetë (15) ditëve nga data e pranimi, përderisa marrëveshja do të hyj në fuqi me fillimin e muajit të dytë (2-të), pas datës kur OT ka pranuar kopjen e nënshkruar.
6. Furnizuesi duhet të nënshkruaj MBE brenda pesëmbëdhjetë (15) ditëve nga data e pranimi ndërsa marrëveshja hyn në fuqi në fillim të muajit të dytë (2-të) pas datës në të cilën OT ka pranuar kopjen e nënshkruar.
7. Brenda pesëmbëdhjetë (15) ditësh nga pranimi i Marrëveshjes për Blerje të Energjisë nga gjeneratori i BRE-ve, OT duhet të informoj OST/ ZRRE-në, dhe kur është e nevojshme edhe OSSH-në, për datën në të cilën hyn në fuqi Marrëveshja për Blerje të Energjisë, për të aktivizuar procedurën e mbledhjes dhe verifikimit të të dhënave të njehsimit (matjes).
8. Shkëputja e MBE-së nga ndonjëra nga palët kontraktuese sipas legjislacionit në fuqi ka si rrjedhojë përjashtimin e operatorit gjenerues nga Skema Mbështetëse dhe fshirjen e tij nga Regjistri i njësive të pranura në Skemën Mbështetëse
9. OT e njofton furnizuesin për nivelin e obligueshëm të garancisë që duhet të paguhet në një bankë në Kosovë në kesh apo letërgarancion dhe e cila duhet llogaritur deri në 11.5% të pagesave totale vjetore.

KREU V

SKEMA MBËSHTETËSE PËR MIRKO-GJENERATORËT E BRE-ve

Neni 18

Parimet e vetë-konsumit të energjisë elektrike nga Burimet e Ripërtëritshme të Energjisë

1. Konsumatorët e energjisë elektrike me mikro-gjenerator të BRE-ve mund të zgjedhin të mbajnë statusin e konsumatorëve prodhues, përmes një Skeme Mbështetëse për Vetë-konsum, të specifikuar në këtë Rregull.
2. Skema Mbështetëse për Vetë-konsum parasheh që:
 - 2.1. Furnizuesit marrin gjithë energjinë elektrike të prodhuar dhe e dërgojnë gjithë energjinë elektrike të konsumuar nga konsumatorët prodhues, brenda një periudhe të faturimit;
 - 2.2. Furnizuesit llogarisin Bilancin e konsumatorëve prodhues të periudhës së faturimit, bazuar në të cilin përgatitet fatura mujore;
 - 2.3. Nëse Bilanci i konsumatorëve prodhues është pozitiv atëherë konsumatori prodhues, kreditohet në energji (kWh) në periudhën e ardhshme faturuese;
 - 2.4. Çdo bilanc pozitiv i papaguar në periudhën e fundit të faturimit të vitit kalendarik rifillon nga zero pa kompenzim nga Furnizuesi;



- 2.5. Nëse Bilanci i konsumatorve prodhues është negativ, atëherë Furnizuesi faturon konsumatorin prodhues për vlerën e Bilancit vetë-prodhues.
3. Furnizuesit detyrohen të hyjnë në Marrëveshje për vetë-prodhim me çdo konsumator prodhues me të cilin kanë kontratë për furnizim me energji elektrike. sipas termeve dhe kushteve të specifikuar në këtë Rregull.
4. Marrëveshja për vetë-prodhim, mes tjerash, përcakton obligimin e furnizuesit për marrjen e gjithë prodhimit të energjisë elektrike të gjeneruar nga konsumatori prodhues.

Neni 19

Metodologjia e Llogaritjes

1. Brenda secilës periudhë të faturimit, Bilancet negative i faturohen konsumatorit prodhues nga furnizuesi;
2. Bilanci total negativ do të shpërndahet ndërmjet kohës së pikut dhe jashtë-pikut në proporcion me alokimin aktual mujor të totalit të energjisë elektrike të konsumuar brenda periudhës së njëjtë të faturimit.
3. Brenda secilës periudhë të faturimit, bilancet pozitive u kreditohen konsumatorëve prodhues, në energji, për bilancin e periudhës së ardhshme të faturimit.
4. Çdo bilanc pozitiv i papaguar në periudhën e fundit të faturimit të vitit kalendarik rifillon nga zero pa kompensim nga Furnizuesi;

Neni 20

Aplikimi për Vetë-konsum dhe procedura e kyçjes

1. Çdo konsumator i energjisë elektrike i kyçur në tensionin e ulët të rrjetit të shpërndarjes mund të aplikoj tek furnizuesi i tij për marrjen e statutit të konsumatorit prodhues, në përputhje me formularin e aplikimit në Shtojcën 3.
2. Furnizuesi e informon OSSH-në, brenda dhjetë (10) ditësh pune të pranimit të aplikacionit të referuar në paragrafin 1 të këtij Neni.
3. Brenda dhjetë (10) ditësh pune pas pranimit të njoftimit, OSSH lëshon kushtet e kyçjes, përfshirë kërkesat e nevojshme për kyçje me të cilat konsumatori prodhues duhet të pajtohet në mënyrë që të implementoj këtë Rregull.
4. Me rastin e konfirmimit të pranimit teknik të kyçjes, furnizuesi i dorëzon konsumatorit - prodhues një kopje të Marrëveshjes, e cila nënshkruhet jo më vonë se pesë (5) ditë pune pas dorëzimit të saj.
5. Brenda tre (3) muajsh nga miratimi i kësaj Rregulle, OSSH transponon çdo ndryshim të nevojshëm në legjislacionin, i domosdoshëm për implementimin e kësaj Rregulle.



KREU VI

DISPOZITAT KALIMTARE DHE PËRFUNDIMTARE

Neni 21

Dispozitat kalimtare

6. Brenda nëntëdhjetë (90) ditëve nga data e hyrjes në fuqi të kësaj Rregulle, aplikuesit të cilët posedojnë Vendim për Autorizimin Preliminar apo Autorizime Finale, të cilat janë lëshuar sipas Rregullës për Procedurën e Autorizimit para hyrjes në fuqi të kësaj rregulle, duhet të përmbushin kërkesat për pranim në Skemën Mbështetëse dhe do të pranohen në mënyrë automatike në Skemën Mbështetëse, si dhe do të trajtohen në përputhje me këtë Rregull, duke marr parasysh caqet për BRE-të.
7. Brenda nëntëdhjetë (90) ditëve nga data e hyrjes në fuqi të kësaj Rregulle, OST dhe OSSH duhet t'i dërgojnë ZRRE-së propozimet për ndryshimet e nevojshme në Kodin e Rrjetit dhe kodet e tjera teknike për zbatimin e dispozitave që përmban kjo Rregull.
8. Brenda nëntëdhjetë (90) ditëve nga miratimi i kësaj Rregulle, ZRRE qartëson transferimin e financimit të gjeneratorëve të BRE-ve që kanë një Marrëveshje ekzistuese për Blerje të Energjisë me një furnizues në detyrë.
9. Brenda nëntëdhjetë ditëve nga data e hyrjes në fuqi të kësaj Rregulle, OST i dorëzon ZRRE-se propozimet për ndryshimet e nevojshme në Kodin e Rrjetit dhe kodet e tjera teknike për implementimin e dispozitave të kësaj Rregulle.
10. Brenda nëntëdhjetë (90) ditëve nga data e hyrjes në fuqi të kësaj Rregulle, OT i dorëzon ZRRE-së propozimet për ndryshimet e nevojshme në kodet relevante për miratimin e parimeve të Fondit të Energjisë së Ripërtëritshme.
11. Brenda nëntëdhjetë (90) ditëve nga data e hyrjes në fuqi të kësaj Rregulle, OSSH i dorëzon ZRRE-së propozimet për ndryshimet e nevojshme në Kodin e Shprëndarjes për implementimin e dispozitave të kësaj Rregulle.

Neni 22

Gjuha zyrtare

Kjo rregull është nxjerrë në gjuhën shqipe dhe do të përkthehet në gjuhën serbe. Në rast të mospërputhjes midis versioneve, do të mbizotërojë versioni në gjuhën shqipe.

Neni 23

Ndryshimi

1. Rregullatori mund të ndryshoj ose modifikoj çdo dispozitë të kësaj rregulle.



2. Procedurat për modifikimin apo ndryshimin e kësaj rregulle do të jenë të njëjta si për miratimin e saj.

Neni 24
Interpretimi

Në rast se ka paqartësi për dispozitat e kësaj rregulle, Bordi do të ofroj informacione sqaruese.

Neni 25
Shfuqizimi

Kjo rregull shfuqizon Rregullën për Skemën Mbështetëse (për mbështetjen e prodhimit të energjisë elektrike nga Burimet e Ripërtritëshme të Energjisë), të nxjerr në bazë të Ligjit për Rregullatorin e Energjisë Nr. 03/L-185, miratuar nga Bordi i Zyrës së Rregullatorit për Energji më 23 dhjetor 2014.

Neni 26
Hyrja në fuqi

Kjo rregull hyn në fuqi në datën e miratimit nga Bordi i Zyrës së Rregullatorit për Energji dhe do të publikohet në faqen zyrtare elektronike të Rregullatorit.



SHTOJCA I - FORMULARI I APLIKIMIT PËR SKEMËN MBËSHTETËSE TË BRE-VE

Detaje të aplikuesit					
Emri					
Adresa					
Personi kontaktues			Pozicioni		
Nr. tel.		Nr. faks.	E-mail		
Detaje të njësisë gjeneruese					
Emri			Lokacioni		
Kapaciteti i instaluar (MW)			Prodhimi i pritur vjetor (MWh)		
Në rast të prodhimit të kombinuar me lëndë djegëse konvencionale, paraqitet vetëm kapaciteti i BRE-ve					
Burimet primare të Energjisë së Ripërtërithme					
Burimet	Teknologjia	Lloji	Shëno me X	Shënime shtesë.	
Erë	Turbinë e erës				
Diellore	Fotovoltaike				
Uji	Hidro	Me Rezervar			
		Mbi lumë (rrjedhëse)			
Biomasa	Bimë energjetike				
	Nënproduktet pyjore dhe bujqësore dhe mbetjet				
	Biogaz	Gazi i deponive			
		Gazi i kanaleve të ujërave të zeza			
		Të tjera			
	Energjia nga nënprodukte t dhe mbetjet	Mbetjet komunale të ngurta			
		Nënproduktet industriale dhe mbetjet komerciale			
Vendi dhe data			Nënshkrimi		



SHTOJCA 2: FORMULARI I APLIKIMIT PËR KORNIZËN E RREGULLUAR TË BRE-VE

Detajet e aplikuesit				
Emri				
Adresa				
Personi kontaktues		Pozita		
Nr. Tel.	Nr. Fax.	E-mail		
Detaje për Gjeneratorin				
Emeri		Lokacioni		
Kapaciteti i instaluar (MW)		Prodhimi i pritur vjetor (MWh)		
Në rast të prodhimit të kombinuar me lëndë djegëse konvencionale, paraqitet vetëm kapaciteti i BRE-se				
Burimet Primare të Energjisë së Ripërtëritshme				
Burimi	Teknologjia	Shëno me x	Shënime shtesë	
Era	Turbinë e erës	<input type="checkbox"/>		
Diellore	Fotovoltaike	<input type="checkbox"/>		
Uji	Me rezervar	<input type="checkbox"/>		
	Mbi lum (rrjedhëse)	<input type="checkbox"/>		
Biomasa	Bimë energjetike	<input type="checkbox"/>		
	Nënproduktet pyjore dhe bujqësore dhe mbetjet	<input type="checkbox"/>		
	Biogaz	Gazi i deponive	<input type="checkbox"/>	
		Gazi i kanaleve të ujërave të zeza	<input type="checkbox"/>	
		Të tjera	<input type="checkbox"/>	
	Energjia nga nënproduktet dhe mbetjet	Mbetjet komunale të ngurta	<input type="checkbox"/>	
Nënproduktet industriale dhe mbetjet komerciale		<input type="checkbox"/>		
Vendi dhe data		Nënshkrimi		



SHTOJCA 3: FORMULARI I APLIKIMIT PËR STATUS TË KONSUMATORIT PRODHUES

Detajet e aplikuesit			
Emri			
Adresa			
Personi kontaktues		Numri referent i njehsorit	
Nr. tel	Nr. fax	E-mail	
Detajet e Gjeneratorëve			
Emri		Lokacioni	
Kapaciteti i instaluar (kW)		Prodhimi i pritur vjetor (kWh)	
Në rast të prodhimit të kombinuar me lëndë djegëse konvencionale, paraqitet vetëm kapaciteti i BRE-se			
Burimi Primar i Energjisë së Ripërtërtishme			
Burimi	Teknologjia	Shëno me x	Shënime shtesë
Diellore	Fotovoltaike	<input type="checkbox"/>	
Të tjera	Specifiko teknologjinë	<input type="checkbox"/>	
Vendi dhe data		Nënshkrimi	